

日本漢文學百家集

王焱
編

154



北京燕山出版社



王焱 主編

日本漢文學百家集
154



北京燕山出版社

第一五四册

蘭台先生遺稿 三卷 井上蘭台著 天明六年 …………… 一

鶴皋先生遺稿 上中下卷 小栗鶴皋著 安永七年 …………… 一七五

芰荷園文集 五卷 石島築波著 明和七年 …………… 三〇七

大橘集 一卷 川井立牧著 寛政十二年 …………… 五一

謝臺先生遺稿

蘭臺先生遺稿序

先君遺草數十卷。寫爲二通。以備不虞。不肖潛有志於藏之石室。傳之通邑大都也。余家貧。請我出納。有司貸其資。而異日入俸償之。有司不肯。計無所出。遷延至於今日。往季余從我君於山陽也。留一通在家。一通屬之於友人井純卿許。以純卿少從先君

遊有季。能盡其平生。校訂之任。舍彼其誰也。純卿卒業。謂余守舍子弟曰。細閱遺草。先生晚年著作。多不載於稿中。得無脫漏乎。願得原本。一比較之。守舍子弟。率意輒取。手澤原本。送之純卿氏。壬辰舞馬變。純卿之家。牆屋皆赭。并庫爲燼。余揚子廬。亦罹其厄。先是余家。庫毀不修。衣服器玩。盡

爲祝融所奪去。載籍十數函。獨託鄰人關君長庫中。僅得救焉。先君遺稿。并副本屬純卿氏者。反及池魚災。預備不虞者。今則已矣。或愍余懊悔不置。因慰余曰。南部滕恒順。尊信子先人至矣。每一篇成。借去謄寫。子索諸滕家。或有得焉。余喜寓書千里。索諸恒順。恒順舉示所謄。託郵送致遺草。

一旦焚又出。亡又存者。獨賴乎恒順。純卿往昔謂余曰。恒順與我之於子先君。功罪相反者也。我必著序一篇。謝子先君於地下。而顯揚恒順之功。噫。純卿逝矣。今而默乎。則恒順之德。湮滅而不彰。故余標而揭之。以成純卿之志云。純卿已校訂此稿一過。尚恐其有闕遺也。附諸君長再校。校成

命之剗劓。不肖潛。不能不朽。先人之
言。負罪數十年。向者從余遊者。私示
所好。請行余所著於世。余曰。勿重余
罪。而連及黎衆也。不許其所請。今惟
得行志之萬一。悲喜交至。遂謝關井
二子。以有勞於此。并言滕恒順之有
惠於我也。

天明六年歲次丙午冬十一月戊戌

不肖男潛謹序并書

蘭臺先生遺稿卷之一

關脩齡君長

同校

井繩卿繩卿

古樂府

朱鷺

朱鷺二茹下何食者。魚在梁樂只且。飛濡羽以不驚。
諫君其德明。

思悲翁

思悲翁於乎奪我良人。癡憂我獨傷。悲翁邪但我思
之不可忘。狗逐兔。梟母六梟子五。視爾拉沓隨草
莽。

艾如張

艾而張羅羅而畢。黃雀呼羣不能出。我往獲之無所
失。鴻鵠高飛孰能爲羅。左顧右盼奈雀何。讒言罔極
罪咎多。

上之回

上之回萬乘來。馬如龍車如雷。前驅羽林兵。貌貅材。

數軍實蒐師徒。馨勁越討疆胡。四海來貢聖明世。皇
帝陛下壽萬歲。

翁離

擁離趾中可爲宮。蕙蘭葺之梁如虹。擁離趾中。

戰城南

戰城南敗郭北。三軍逃走四郊側。謂我駑馬嗟乎我
難爲力。轉鬪不利。枯骨腐肉野鳥食。彼鳥母六。彼鳥
子五。集蒲葦中。黝黝水之滸。鳥不去。客號呼何以葬。
願爲梟騎氣沮喪。忠臣義士誠可傷。寧爲佯狂。佯狂

且徘徊。遠道之人誰適歸來。

巫山高

巫山高。蔚以高。江水流。長且流。佇立遠望。君謂心憂。
可以踰山。可以濟水。湜湜其沚。采蘭采芷。相思不遺。
流離之子。彼有佗心。黃鵠千里。

上陵

上陵高且美。下津以溯游。問客能來否。自言水中流。
木蘭爲君桡。沙棠爲君舟。菡萏爲君裳。采藥向瀛洲。
赤水之珠如明月。光華照金銀。闕鸞鳳。蜚覽曾不避。

神仙窟。蓬萊之山。五雲何倏忽。鸞爲驂。鳳爲蓋。徘徊
朱草中。翱翔玉樹外。金莖之露凝且美。願奉君王壽。
萬年無窮已。

將進酒

將進酒稱兕觥。紛大哉。雜笙簧。心所樂。自無量。且歌
且舞。爲君徘徊。良工悉索。觀者來。旣醉旣備。君之臣
哉。

君馬黃

君馬黃。臣馬驂。二馬相得千里行。佳人駕之安終極。

或東或西或南北以車不逸如鵬之翼無寧如視駑馬間御者遨游以覽八荒天之下異體同德奈馬何君臣相遇四時和。

芳樹

芳樹蔚蔚摧且歇。亂如飄風散素髮。溫而鵠三而爲鴉。行臨蘭池聲嘹嘹。心不可慕目不可顧。妬人之子欲譖我。聞君有他心不可。君何所似如蜂如蠶乎悲矣。

有所思